

**LUTRIJA BOSNE I HERCEGOVINE d.o.o.**  
**NADZORNI ODBOR**

Na osnovu člana 22. Zakona o igrama na sreću ("Sl. novine FBiH", broj 48/15 i 60/15 ) i člana 22. Statuta Lutrije Bosne i Hercegovine d.o.o. Sarajevo ("Sl. novine FBiH", broj 95/15), Nadzorni odbor Lutrije Bosne i Hercegovine na sjednici održanoj dana 22.12.2015. godine, donio je

**P R A V I L A**  
**o igrama na sreću putem automata**

**Član 1.**

Ova pravila obavezuju sve subjekte koji stupaju u međusobni odnos povodom priređivanja igara na sreću putem automata (priređivača; ovlašteno lice za prodaju i zamjenu žetona, vršenje uplata i isplata; učesnike u igri-lica koja samom kupovinom žetona, TiTo Tiketa ili uplatom kredita prihvataju ova pravila i obavezuju se da će ih se pridržavati, kao i treća lica).

**Član 2.**

Vrste posebnih igara na sreću koje se priređuju u automat klubu su:

- igre na automatima za igre na sreću;
- igre na elektronskim ruletima.

**Član 3.**

Igru na automatima učesnik u igri može započeti na jedan od slijedećih načina:

- kupovinom žetona;
- uključivanjem kredita ključem;
- daljinskim upravljačem (remote);
- ubacivanjem novca u automat (bill acceptor) i
- TiTo Tiketom.

Omjer novca i kredita vidljivo je istaknut na blagajni, kao i na svakom automatu.

Po završetku igre dobici na automatima (izraženi u žetonima, tiketima ili iznosu kredita) naplaćuju se na blagajni, ili keš mašini.

U nemogućnosti trenutne isplate dobitaka većih iznosa, igračima se garantuje isplata u roku od 24 h (sata) od trenutka ostvarivanja istog.

**Član 4.**

Ti-TO (Tiket in-Tiket out) je baziran na umreženom sistemu svih aparata koji će koristiti tu opciju na lokalnom serveru. Da bi aparat mogao koristiti tu opciju mora biti umrežen, imati instaliran tiket pisač i čitač novca s mogućnošću čitanja tiketa. Ti-TO tiket je listić koji se dobija ili na samom aparatu pritiskom tipke isplata/collect/ ili ako postoji ta mogućnost na blagajni.

Ti-TO tiket je ekvivalentan pravom novcu s informacijama imena automat kluba ili kasina, iznos, datum, do kada tiket traje, serijskim brojem i bar kodom.

Maksimalan iznos isplate putem tiketa kao i vrijeme trajanja tiketa određuje Odbor za upravljanje i nadzor nad igrom.

Ti-TO tiket se može ubaciti u bilo koji čitač novca bill acceptor koji podržava TiTo ili se može naplatiti na blagajni, ili na instaliranoj keš mašini.

#### **Član 5.**

Upute za igru nalaze se kod odgovorne osobe u klubu kao i na gornjem monitoru automata pritiskom na tipku info i svaki igrač ima pravo uvida u iste.

Ukoliko se ukaže potreba, upute za igru, mogu se dobiti i usmenim putem od zaposlenih u klubu.

#### **Član 6.**

Maksimalan dobitak na automatu regulisan je u skladu uloga (bet-a) i šeme dobitaka, istaknute na svakom automatu.

U slučaju softverske greške igraču se isplaćuje do tada osvojeni dobitak ustanovljen uvidom u istoriju igara na datom automatu.

#### **Član 7.**

U igri mogu učestvovati samo lica starija od 18 godina.

Ovlašteno lice koje odredi priređivač igre ima pravo da izvrši uvid u lične isprave učesnika u igri radi utvrđivanja uslova iz stava 1. ovog člana. Ukoliko se utvrdi da u igri na automatima učestvuje osoba mlađa od 18 godina, toj osobi će biti uskraćeno pravo na daljnje učestvovanje u igri i ista će biti udaljena iz objekta.

Osobama u uniformama je dozvoljen pristup u igračnicu samo pri vršenju službene dužnosti.

#### **Član 8.**

Posjetioci kluba dužni su poštovati red, mir i čistoću kluba, te ne ometati ostale igrače.

Lica koja ometaju igru ili se na drugi način nedolično ponašaju biće udaljena iz prostorija kluba.

#### **Član 9.**

Svaka šteta načinjena na automatima i inventaru kluba od strane učesnika u igri i drugih osoba biće naplaćena od počinioca po cjenovniku vlasnika automata i protiv istih će biti podnesena prijava nadležnim organima.

#### **Član 10.**

Upotreba bilo kakvih pomagala koja bi mogla uticati na ishod igre biće sankcionisana na slijedeći način:

- neće se izvršiti isplata dobitaka;
- takvom učesniku biće trajno zabranjen ulaz u sve objekte Lutrije BiH;
- protiv takvih učesnika biće podnesena krivična prijava.

### **Član 11.**

Igra na automatima je isključivo na vlastitu odgovornost igrača.

### **Član 12.**

U slučaju prekida napajanja električnom energijom u automat klubu, isplata će se vršiti po dolasku napona električne energije i mogućnosti očitavanja kredita.

Ako dođe do kvara automata u toku igre, igraču se vraća novac očitao kao kredit, osim u slučaju kada se uspostavi da je igrač namjerno izazvao kvar na automatu.

U slučaju eventualne nemogućnosti očitavanja kredita na licu mjesta, isplata će biti izvršena nakon servisiranja aparata, a najdalje za 72 sata.

### **Član 13.**

Zabranjeno je unošenje alkohola i hrane, kao i uvođenje životinja u prostorije kluba.

### **Član 14.**

Rezervacija određenog automata za igre na sreću moguća je najduže u trajanju od 30 minuta.

### **Član 15.**

Za jednim automatom, odnosno monitorom elektronskog ruleta dozvoljena je igra samo jednom igraču.

Licima koja nisu učesnici u igri nije dozvoljeno zauzimanje mjesta predviđenih za igrače.

### **Član 16.**

Svim radnicima koji neposredno obavljaju poslove na automatima najstrožije je zabranjeno igranje u svim klubovima i na svim automatima Lutrije BiH, te nepoštivanje navedenog pravila povlači izricanje teže povrede radnog odnosa i otkazivanje ugovora o radu.

### **Član 17.**

Za vrijeme rada zaposlenim i učesnicima u igri zabranjena je upotreba mobilnih telefona.

### **Član 18.**

Uplata, isplata, dobici, podaci o igračima, kao i sve ostale informacije o igračima se smatraju poslovnom tajnom te je čuvanje istih obaveza svih radnika u igračnicama i automat klubovima.

### **Član 20.**

Radnicima nije dozvoljeno primati napojnice niti da igrače eventualno novčano pomažu.

### **Član 21.**

Radno vrijeme automat kluba je \_\_\_\_\_.

## **Član 22.**

Ova pravila su istaknuta na vidnom mjestu u svim igračnicama i automat klubovima te su tako dostupna svim učesnicima u igri.

## **Član 23.**

Stupanjem na snagu ovih pravila prestaju da važe Pravila o igrama na sreću putem automata br.01-5-776-11/12 od 25.06.2012.godine.

## **Član 24.**

Ova pravila stupaju na snagu danom donošenja, a primjenjivat će se od prvog narednog dana od dana objavljivanja u jednoj od dnevnih novina.

Broj: 01-57-2308-6/15  
Dana: 22.12.2015. godine

**P R E D S J E D N I K**

**Miroslav Ćorić, s.r.**